

ხელშეკრულება №350401/013

(სახელმწიფო შესყიდვების შესახებ)

ქ. თბილისი

“13” იანვარი ” 2011წ.

დაიდო ერთის მხრივ, სსიპ "ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის" გენერალურ დირექტორს ნატო ავალიანს (შემდგომში "შემსყიდველი") და მეორეს მხრივ, შპს "ლასკარ-იმპექსი"-ს დირექტორს მ. ნადიკაშვილს (შემდგომში "მიმწოდებელი") შორის.

1. ხელშეკრულების საფუძველი

1.1 "საქართველოს 2011 წლის სახელმწიფო ბიუჯეტის შესახებ" საქართველოს კანონი;

1.2 "სახელმწიფო შესყიდვების შესახებ" საქართველოს კანონი (მუხლი 3, პუნქტი 1, "ს" ქვეპუნქტი).

2. ხელშეკრულების საგანი

2.1 სსიპ "ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის" აპარატისათვის დამტკიცებული ასიგნებების ფარგლებში ტესტ-სისტემების (შემდგომში "საქონელი") შესყიდვა.

3. ხელშეკრულების საერთო ღირებულება

3.1 ხელშეკრულების საერთო ღირებულება განისაზღვრება არაუმეტეს 3616 (სამიათას ოთხას სამოცი) ლარი.

4. ხელშეკრულების ობიექტი

4.1. ხელშეკრულების (შესყიდვის) ობიექტია: საქონლის ჩამონათვალი, რომელიც ასახულია ხელშეკრულებას თანდართულ დანართებში.

4.2. დანართი წარმოადგენს ხელშეკრულების განუყოფელ ნაწილს, სადაც მოცემულია როგორც ობიექტის დასახელება, პარამეტრები და სხვა ძირითადი მახასიათებლები (ოდენობა, საქონლის ერთეულისა და მისი მთლიანი ღირებულება).

5. შესყიდვის ობიექტის ხარისხი

5.1 საქონლის ხარისხი უნდა შეესაბამებოდეს ფასთა კოტირების დოკუმენტაციით განსაზღვრულ მოთხოვნებს.

5.2 "საქონლის" უხარისხობის შემთხვევაში "მიმწოდებელი" საკუთარი სახსრებით აწარმოებს საქონლის სრულ და დროულ შეცვლას, "შემსყიდველის" ინტერესების გათვალისწინებით.

6. შესყიდვის ობიექტის მიწოდების ადგილი, ვადები და ფორმა

6.1 "საქონლის" მიწოდების ვადა – 17.01.11 წ – 01.03.11.წ

6.2 "საქონლის" მიწოდების ადგილი – თბილისი, მ. ასათიანის ქ. №9;

6.3 "საქონლის" მიწოდების ფორმა – DDP საწყობი (საქონლის ღირებულებაში შედის ტრანსპორტირება, საბაჟო მოსაკრებლები და სხვა).

7. შესყიდვის ობიექტის მიწოდების პირობები

7.1 "საქონელი" მიღებული იქნება უშუალოდ "შემსყიდველის" ან მის მიერ დანიშნული ნდობით აღჭურვილი პირის მიერ.

- 7.2 “მიმწოდებელი” წინასწარ აცნობებს “შემსყიდველს” “საქონლის” მიწოდების დაწყების შესახებ.
- 7.3 “შემსყიდველთან” შეთანხმებით “მიმწოდებელს” აქვს უფლება ვადაზე ადრე მოახდინოს “საქონლის” მიწოდება. რის გამოც, “შემსყიდველისათვის” ანგარიშსწორების ფორმებში და ვალებში ცვლილებების შეტანა არაა სავალდებულო.

8. შესყიდვის ობიექტის მიღება-ჩაბარების წესი

- 8.1 “საქონლის” მიწოდებას განხორციელებს უშუალოდ მხოლოდ “მიმწოდებელი”, მან უნდა წარუდგინოს “შემსყიდველს” მის სახელზე შედგენილი სატრანსპორტო-სასაქონლო ზედღებულები, ყველა თანმდევ დოკუმენტებით.
- 8.2 “საქონლის” მიწოდების დამთავრებისას “შემსყიდველსა” და “მიმწოდებელს” შორის დგება მიღება-ჩაბარების აქტი, სადაც მხარეების მიერ აისახება ყველა ამ პროცედურისათვის აუცილებელი მომენტები.
- 8.3 “საქონლის” მიღების დროს გამოვლენილი დეფექტისა და ნაკლის აღმოფხვრას და აუცილებლობის შემთხვევაში გამოცვლას, საკუთარი ხარჯებით უზრუნველყოფს “მიმწოდებელი”.

9. ანგარიშსწორების ფორმა და ვალები

- 9.1 ანგარიშსწორების ფორმაა – უნაღდო ანგარიშსწორება.
- 9.2 ანგარიშსწორება განხორციელდება ლარებში.

10. მხარეთა უფლება-მოვალეობები

- 10.1 “შემსყიდველი” ვალდებულია:
- 10.1.1 აცნობოს “მიმწოდებელს” ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.
- 10.2 “მიმწოდებელი” ვალდებულია:
- 10.2.1 მიაწოდოს “შემსყიდველს” “საქონელი”, რომელიც სრულად შეესაბამება ხარისხით და სხვა ყველა მონაცემებით “შემსყიდველის” მიერ დაკვეთილ პროდუქციას.
- 10.2.2 აცნობოს “შემსყიდველს” ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.
- 10.2.3 დროულად შეასრულოს ხელშეკრულებით ნაკისრი ყველა ვალდებულებანი.
- 10.3 “შემსყიდველი” უფლებამოსილია:
- 10.3.1 მოითხოვოს “მიმწოდებლისაგან” ხელშეკრულების ყველა პუნქტის უცილობელი შესრულება;
- 10.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ “მიმწოდებელი” დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა;
- 10.3.3 მოითხოვოს “მიმწოდებლისაგან” განმარტებანი და სათანადო დოკუმენტაცია რომლის არსებობის გარეშეც არ შეიძლება მომხდარიყო “საქონლის” წარმოშობა და მისი გადაადგილება;
- 10.3.4 არ სცნოს “მიმწოდებლის” არცერთი ვალდებულება, რომელიც არაა განსაზღვრული ამ ხელშეკრულებით.

10.4 “მიმწოდებელი” უფლებამოსილია:

10.4.1 მოითხოვოს “შემსყიდველისაგან” მის მიერ მიწოდებული “საქონლის” ღირებულების სრული ანაზღაურება.

10.4.2 განაცხადოს უარი ხელშეკრულების შესრულებაზე ან მის გაგრძელებაზე, თუ “შემსყიდველის” მიერ სახელშეკრულებო პირობების შეუსრულებლობის გამო მისთვის შეუძლებელი ხდება “საქონლის” მიწოდება ან მის წინაშე დადგა დაუძლეველი ძალა.

10.4.3 აწარმოოს მოლაპარაკება “შემსყიდველთან” სახელშეკრულებო პირობებში კანონით დაშვებული ცვლილებების შეტანისათვის.

10.4.4 მიმართოს სასამართლოს ან სხვა ორგანოებს “შემსყიდველის” მიერ ხელშეკრულების პირობების დარღვევის გამო.

10.4.5 მოითხოვოს “შემსყიდველისაგან” რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

11. გადასახადები და ბაჟები

11.1 “მიმწოდებელი” აგებს პასუხს მისაწოდებელი “საქონლის” წარმოებასა და მიწოდებასთან დაკავშირებული ყველა იმ გადასახადების, ბაჟების, მოსაკრებლების და სხვა გადასახადების გადახდაზე, რომელიც გადახდილია საქართველოს ფარგლებს გარეთ.

11.2 “მიმწოდებელი” აგებს პასუხს საქართველოს კანონმდებლობით დადგენილი გადასახადების, ბაჟების, მოსაკრებლების და გადასახდელის გადახდაზე, რომელიც შედის საქონლის ღირებულებაში.

12. ხელშეკრულების სხვა პირობები

12.1 ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით.

12.2 “შემსყიდველი” არ მიიჩნევს დასაშვებად ფასების გადასინჯვის შესაძლებლობას.

12.3 “მიმწოდებელს” არ აქვს უფლება “შემსყიდველის” წერილობითი თანხმობის გარეშე მოახდინოს მესამე პირისათვის უფლებების გადაცემა.

12.4 ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

12.5 ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.

12.6 ხელშეკრულების მთლიანი ან ნაწილობრივი შეწყვეტა მხარეთა მიერ წერილობით შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.

12.7 მხარეების ხელშეკრულების არაობიექტური მიზეზებით შეუსრულებლობისას გამოიყენება საჯარიმო სანქციები.

12.8 საჯარიმო სანქციების გადახდა არ ათავისუფლებს “მიმწოდებელს” ძირითადი ვალდებულებების შესრულებისაგან.

12.9 იმ შემთხვევაში, თუ თანხის მიღების მომენტისათვის (საბოლოო და მიმდინარე ანგარიშსწორება) ეროვნული ვალუტის ინფლაციის დონემ გადააჭარბა 2%,

“შემსყიდველსა” და “მიმწოდებელს” შორის იმართება მოლაპარაკება კურსთა შორის სხვაობის დაფარვის შესახებ.

13. გარანტია

- 13.1 “საქონლის” საგარანტიო ვადა გადაცემის მომინეტისათვის უნდა შეესაბამებოდეს “მიმწოდებლის” საგარანტიო პირობებს.
- 13.2 “მიმწოდებელი” იძლევა გარანტიას, რომ მიწოდებული “საქონელი” მისი ექსპლუატაციის ნორმების დაცვის შემთხვევაში, არ გამოავლენს დეფექტს.
- 13.3 “მიმწოდებელი” ვალდებულია შეტყობინების მიღებისთანავე განახორციელოს წუნდებული საქონლის შეცვლა “შემსყიდველის” მხრიდან დამატებითი დანახარჯების გაწევის გარეშე, “მიმწოდებლის” მიერ შემოთავაზებული საგარანტიო პირობების შესაბამისად.

14. ხელშეკრულების შეწყვეტა მისი პირობების შეუსრულებლობის გამო

- 14.1 “შემსყიდველს” შეუძლია მთლიანად ან ნაწილობრივ შეწყვიტოს ხელშეკრულება, “მიმწოდებლისათვის” ვალდებულებების შეუსრულებლობის წერილობითი შეტყობინების შემდეგ:
 - 14.1.1 თუ “მიმწოდებელს” ხელშეკრულებით გათვალისწინებულ ან “შემსყიდველის” მიერ გაგრძელებულ ვადებში არ შეუძლია მიაწოდოს მთელი “საქონელი” ან მისი ნაწილი;
 - 14.1.2 თუ “მიმწოდებელს” არ შეუძლია შეასრულოს ხელშეკრულებით გათვალისწინებული, რომელიმე ვალდებულება, რომელიც ცვლის პირობებს რის გამოც ვერ განხორციელდება “საქონლის” მიწოდება სრულად ან დადგენილ ვადებში.
- 14.2 ხელშეკრულების ცალკეული პირობების მოქმედების შეწყვეტა არ ათავისუფლებს “მიმწოდებელს” დანარჩენი ვალდებულებების შესრულებისაგან.
- 14.3 “შემსყიდველს” შეუძლია მიიღოს გადაწყვეტილება ხელშეკრულების შეწყვეტის შესახებ:
 - 14.3.1 თუ ხელშეკრულების შესრულების გაგრძელება მიზანშეუწონილია “შემსყიდველის” ფინანსური ინტერესებიდან გამომდინარე;
 - 14.3.2 თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - 14.3.3 “მიმწოდებლის” გაკოტრების შემთხვევაში.
- 14.4 ამ მუხლის მე-3 პუნქტში მითითებულ შემთხვევებში “შემსყიდველი” ვალდებულია აუნახლაუროს “მიმწოდებელს” უკვე ფაქტიურად მიწოდებული “საქონლის” ღირებულება.

15. ხელშეკრულებაში ცვლილებების შეტანა

- 15.1 ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით.
- 15.2 მხარეებს არ ენიჭება უფლება ცალმხრივად შეცვალოს ხელშეკრულების პირობა.
- 15.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ხელშეკრულებაში

ცვლილებათა შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, "შემსყიდველი" არ არის ვალდებული წარუდგინოს "მიმწოდებელს" რაიმე მტკიცებულებანი იმ გარემოებებთან დაკავშირებით, რამაც წარმოშვა ხელშეკრულების პირობების შეცვლის აუცილებლობა.

15.4 ხელშეკრულების პირობების ნებისმიერი ცვლილება ფორმდება ხელშეკრულებაზე დამატების სახით, რომელიც წარმოადგენს ხელშეკრულების განუყოფელ ნაწილს.

16. დაუძლეველი ძალის მოქმედება

16.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

16.2 ამ მუხლის მიზნებისათვის "დაუძლეველი ძალა" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული "შემსყიდველისა" და/ან "მიმწოდებლის" შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით და საქონლის მიწოდებაზე ემბარგოს დაწესებით, და სხვა მოვლენები, რომელსაც ცნობენ მხარეები.

16.3 დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამოძწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.

16.4 დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

17. სადაო საკითხების გადაწყვეტა

17.1 "შემსყიდველმა" და "მიმწოდებელმა" უნდა იხმაროს ყველა ღონე, რათა მათ შორის, ყველა უთანხმოება და დავა წარმოქმნილი, ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

17.2 თუ "შემსყიდველი" და "მიმწოდებელი" ვერ შესძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

18. გამოსაყენებელი სამართალი

18.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

19. ხელშეკრულების ენა

19.1 ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

20. ურთიერთობა მხარეებს შორის

20.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

20.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

21. მხარეთა პასუხისმგებლობა ხელშეკრულების პირობის დარღვევისათვის

21.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

21.2 “მიმწოდებლის” მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოყენებულ იქნება საჯარიმო სანქციები, ყოველ ვადაგადაცილებულ დღეზე მისაწოდებელი საქონლის ღირებულების 0.2% ოდენობით.

21.3 ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

21.4 “მიმწოდებლის” პასუხისმგებლობა, ხელშეკრულების პირობათა დარღვევის შემთხვევაში, ვრცელდება არა მარტო მისაწოდებელი საქონლის ფარგლებში, არამედ “შემსყიდველისათვის” იმ დანახარჯების ანაზღაურებით, რაც აუცილებელი იქნება მის მიერ სახელმწიფო პროგრამის აუცილებელი შესრულებისათვის.

22. ხელშეკრულების შესრულების კონტროლი

22.1 “მიმწოდებლის” მიერ ხელშეკრულებით ნაკისრი ვალდებულებების შესრულების კონტროლი განხორციელდება საქონლის მიწოდების მომენტში და აისახება აქტში. საჭიროების არსებობის შემთხვევაში კონტროლი განხორციელდება კომისიური წესით.

23. უფლებების გადაცემა

23.1 “მიმწოდებელს” არა აქვს უფლება “შემსყიდველის” წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

24. ხელშეკრულების მოქმედების ვადა

24.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

24.2 ხელშეკრულების მოქმედების ვადა განისაზღვრება: 17.01.11 წ – 30.03.11.წ.

24.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

24.4 ურთიერთობა მხარეებს შორის წყდება მათ მიერ ყველა ვალდებულებათა შესრულებისა და დებიტორულ-კრედიტორული დავალიანებების დაფარვის შემდგომ.

25. განსაკუთრებული შენიშვნები

25.1. ხელშეკრულება სახელმწიფო შესყიდვების შესახებ ითვალისწინებს და არ შეიძლება ცდებოდეს "სახელმწიფო შესყიდვების შესახებ" საქართველოს კანონს.

25.2 ხელშეკრულება დგება ორ თანაბარძალოვან ეგზემპლიარად, საიდანაც ერთი ეგზემპლიარი გადაეცემა "მიმწოდებელს".

26. მხარეთა რეკვიზიტები

“შემსყიდველი”

სსიპ ლ. საყვარელიძის სახ.
დაავადებათა
კონტროლისა და
საზოგადოებრივი
ჯანმრთელობის ეროვნული
ცენტრი
ასათიანის ქ. №9

გენერალური დირექტორი:

ნ. ავალიანი


ბ. ა.


“მიმწოდებელი”

შ.პ.ს. “ლასკარ-იმპექსი”
ქ.თბილისი, ცაგარელის № 38. ბ.5,
საბანკო რეკვიზიტები:
სს სტანდარტ ბანკი 220101945
ა/ა 4102503

დირექტორი:

მ. ნადიკაშვილი




დანართი

№	დასახელება	ზომის ერთეული	რაოდენ ობა	ერთეულ ის ფასი (ლარი)	თანხა (ლარი)
1	ბოტულინური სადიაგნოსტიკო შრატები A	ნაკრები	4	187	748
2	ბოტულინური სადიაგნოსტიკო შრატები B	ნაკრები	4	187	748
3	ბოტულინური სადიაგნოსტიკო შრატები E	ნაკრები	4	187	748
4	ბოტულინური სადიაგნოსტიკო შრატები F	ნაკრები	4	187	748
5	ტულარემიის სააგლუტინაციო შრატი	ნაკრები	1	468	468
6	ტულარემიის ვაკცინა №5	ნაკრები	1	156	156
სულ ჯამი:					3616,00

სსიპ." ლ საყვარელიძის სახელობის დაავადებათა კონტროლისა და
საზოგადოებრივი ჯანმრთელობის ეროვნული ცენტრი"

შპს "ლასკარ-იმპექსი"

ნ. ავალიანი



მ. ნადიკაშვილი

